


**S** **LO**  
Afl. 1.25

BRIYANDO FUERTE • TRECIENDO CLARIDAD  
DIABIERNA 3 MEI 2024


*Di Pueblo*

**SOLO SALUD**

**DEN RATON  
A HAYA CONEXION ENTRE MICROBIOTA  
INTESTINAL DI E TATA Y SALUD  
DI E YIUNAN**




**WWW.SOLODIPUEBLO.COM**



**SOLODIPUEBLO@GMAIL.COM**

## PAUL CROES MESTER PAGA 163.489 FLORIN OF 18 LUNA SERA

Hof ta hay'e culpabel di labamento di placa



## MILITAR ARUBIANO DECLARA LIBER DI A OCASIONA ACCIDENTE FATAL



## EX PARTICIPANTE DI MISS UNIVERSO ECUADOR ASESINA, TABATA NA ARUBA AÑA PASA



## ARUBA A GOZA DI UN BUNITA CELEBRACION NA WILHELMINA PARK RIBA DIA DI REY







# Noticia di Corte

## FAMIA DI E VICTIMA NO A KEDA CONTENTO

### MILITAR ARUBIANO DECLARA LIBER DI A OCASIONA ACCIDENTE FATAL

we mainta Hues di Corte di Husticia a dicta sentencia den e caso penal cu Ministerio Publico a cuminsa contra e Arubiano Militar K.F.V.(22).

SOLO DI PUEBLO por a compronde cu aunke cu Fiscal a haya K.F.V. culpabel y a exige 12 luna di prison, Hues a declara K.F.V. liber. Hues ta haya cu Polis mester a notifica Marrechaussee pa a haci e investigacion pasobra un militar ta cay bou leynan Hulandes.

Dia 18 April 2024 tratamiento di e caso a tuma lugar caminda Fiscal a acusa cu K.F.V. riba 14 Juli 2023, a core auto bou influencia y a causa un accidente fatal den Havenstraat. E tabata pusta auto, pasa auto na forma peligroso, manda su auto na man drechi den direccion di e vehiculo di e persona Ruiz, dal contra su auto cu consecuencia cu Ruiz a perde su bida.

#### CASTIGO EXIGI

Fiscal durante tratamiento di e caso a bisa Hues cu e ta haya cu K.F.V. ta culpable pa morto di Ruiz. E ta haya cu K.F.V. tabata core pa loco. Na opinion di Fiscal, Polis por a haci e investigacion y no necesariamente Marrechaussee. El a bisa

cu ora ta papia di pusta, ta papia di core pa loco. Testigonan a mira con e defunto Ruiz y K.F.V. tabata core. K.F.V. tabata bright-deem constantemente e defunto, cu ta muestra cu lo tabata pusta. Door di e impacto, Ruiz a wordo saca for di e auto y a fayece. Pa cu e castigo, Fiscal a tene cuenta cu ta promer biaha cu K.F.V. ta cay den man di husticia. Fiscal a exige 12 luna di prison y 3 aña sin rijbewijs pa K.F.V. Pa loke ta e demanda di daño, Fiscal a pidi pa aproba e gastonan di entiero cu ta den careda di 11 mil florin. Pa loke ta e otro demandanan, e ta laga esaki na decision di Hues. Pa loke ta daño inmaterial, Fiscal ta conciente cu esaki ta hopi duro pa famia y ta laga na decision di Hues. El a exige pa e auto BMW keda confisca.

#### SENTENCIA

Awe mainta K.F.V. no a presenta. Su abogado mr. Tromp a bisa Hues cu K.F.V. no kier a presenta pasobra e no ta sinti su mes bon.

#### FAYO DI POLIS

Hues a bisa cu e ta comparti e punto di bista di abogado mr. Tromp cu e promer acusacion, esta core bou influencia, no por wordo proba.

Hues a bisa cu K.F.V. ta un militar y mester aplica ley Hulandes. E investigacion cu a sigui caminda a constata 542 micro gram di alcohol den su rosea, no a sosode conforme e reglanan Hulandes. Hues a bisa cu e agentenan di Polis no tin e autorizacion pa haci investigacion di grado di alcohol. Miembronan di Marrechaussee si. E agentenan mester a notifica Marrechaussee di biaha ora di e accidente. Hues a sigui bisa cu e aparato di Marrechaussee tin e aparato reconoci pa ley Hulandes mientras cu esun di Polis di Aruba no. Hues a declara K.F.V. liber di e promer acusacion.

#### NO A CORE BOU INFLUENCIA

Hues a muestra cu Fiscal a bisa cu K.F.V. tabata core bou influencia. Aki tambe Hues ta comparti punto di bisa di abogado mr. Tromp, cu no por bisa cu e tabata bou influencia. Ningun caminda Polis a muestra cu tin sintomananan cu K.F.V. tabata bou influencia, ademas di e test. Hues a sigui bisa cu e declaracion di K.F.V. cu el a bebe, esaki no ta suficiente pa deteremina cu e no ta apto pa core auto. Hues a declara K.F.V. liber.


*Continuacion pag. 4*

## RIBA DIA DI OBRERO SPIRITO A PONE OBRERO CU A CABA DI TRAHA DESVIA Y ACCIDENTA RIBA PALO DI LUS



Diaranson madruga a drenta informe di un accidente riba Belgiestraat, mesora a dirigi un patrulla na e sitio. Na yegada di e patrulla a bin compronde cu e obrero cu a caba di traha bayendo su cas diripiente a hay'e cu algo su dilanti y ela desvia y a bay dal riba un palo di lus.

Esaki a kibra e palo di lus y a causa cu wayanan di coriente a cay causando daño na 2 auto staciona. ELMARNV a ser avisa y mesora a bini na e sitio pa remedia e suministro di coriente bek. E chauffeur afortunadamente a sali ileso pero a keda spanta kiko a sali su dilanti.





# PAUL CROES MESTER PAGA 163.489 FLORIN OF 18 LUNA SERA

## Hof ta hay'e culpabel di labamento di placa

Diahuebs 2 di Mei 2024, den ora di merdia Hof di Corte Superior a dicta sentencia den e apelacion di Paul Croes contra e sentencia di 2 December 2021, caminda el a wordo condena pa labamento di placa.

SOLO DI PUEBLO por a compronde cu Hof ta haya Paul Croes culpabel pero a baha e suma cu 20 mil florin. Di 183.489 florin, el a bira 163.489 florin.



e lo mester keda sufri den KIA.

### PAUL CROES NO A PRESENTA

Por a constata cu Paul Croes no a presenta diahuebs den Corte pa scucha su sentencia. Dia 21 Maart 2024 ora di tratamiento di e caso di apelacion, Paul Croes a presenta y e dia ey Paul Croes kier a lesa un carta cu el a skirbi pero su emocionnan a subi y wowonan a yena cu awa. El bisa Hof cu ta keda na Hof pa determina cuanto mas

### CULPABEL DI LABAMENTO DI PLACA

Un Hues a lesa e sentencia di Hof y a resumi cu e decision di Hof ta cu Paul Croes ta culpabel di labamento di placa. Hof a rechaza e ponencia di abogado mr. D.Croes, cu mester declara Procurador General no admisibel.

Hof a muestra cu a keda legalmente proba cu Paul Croes a malversa 55.023 florin y cu a laba 126.466 florin. Hof a splica cu door cu den e caso penal a keda dicidi cu Paul Croes a laba e 128.466 florin, Hof ta mara na esaki. Si conta e sumanan hunto

ta yega na 183.489 florin, cu ta e suma cu Corte den Promer Instancia a dicidi cu Paul Croes mester paga.

Hof a bisa cu e ta tene cuenta cu e periodo cu a pasa promer cu e caso a bin dilanti y ta desconta 20 mil florin for di e 183.489

florin.

### PAUL CROES MESTER PAGA OF BAY SERA

Hof a dicidi cu e suma cu Paul Croes mester paga ta bira 163.489 florin y si Paul Croes no paga esaki, e lo mester bay 18 luna sera.

# LUNA DI LOCURA!

## CUMpra 2 LOTTO 5 Y HAYA 1 LOTTO 5 LOCO GRATIS!

### CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS!

MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 3 DI MEI TE CU 31 DI MEI

Pa mas informacion yama 525-7555 of bishita nos website [lottoaruba.com](http://lottoaruba.com) [www.lottoaruba.com](http://www.lottoaruba.com)



### Results of the Treasury Bills issuance by the Government of Aruba in the amount of Afl. 10,000,000.00 for the period May 2, 2024 – August 2, 2024

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of March 4, 2024.

The Centrale Bank van Aruba hereby informs that the Treasury Bills issue of May 2, 2024 in the amount of Afl. 10,000,000.00 with a maturity of three (3) months has been fully subscribed. The average yield of this issue is 3.40 percent.

Aruba, May 3, 2024  
Centrale Bank van Aruba



Continuacion di pag. 2

## FAMIA DI E VICTIMA NO A KEDA CONTENTO MILITAR ARUBIANO DECLARA LIBER DI A OCASIONA ACCIDENTE FATAL

### NO SA CON ACCIDENTE A SOSODE

Pa cu e acusacion di cu K.F.V. a core irresponsabel, Hues a muestra cu tanto Fiscal como abogado mr. Tromp a bisa cu no a core irresponsabel. No por papia cu lo tabatin pustamento. Aki tambe Hues a declara K.F.V. liber.

Pa cu e pregunta, kende a ocasiona e accidente, Hues a bisa cu mester determina si den Havenstraat ta door di culpa di K.F.V. a causa e

accidente. Hues a bisa cu Fiscal ta acusa K.F.V. di lo a core duro diferente caminda pero no den Havenstraat. No por determina cu K.F.V. tabata core velocidad halto den Havenstraat. Hues a bisa cu den LG Smith Boulevard, K.F.V. a core duro ora el a pasa un auto. Hues ta haya cu no tin suficiente indicacion kico a causa e accidente. No por bisa cu K.F.V. a bay core riba e rail di Tram y dal contra e auto di e difunto Ruiz. Hues a remarca cu no tabatin camera net

dilanti Bool Chands unda e accidente a sosode.

### SOSPECHOSO DECLARA LIBER

Hues a conclui cu e ta declara K.F.V. liber. El a ordena pa e auto BMW wordo debilbe. Pa loke ta e demanda di daño, esaki ta keda rechaza ya cu K.F.V. no ta culpabel.

Por a ripara cu famia di e victima no tabata contento cu e sentencia.

## Luna di Locura cu Lotto 5!

## CU CADA COMPRA DI 2 LOTTO 5 RIBA E MESUN TICKET, RICIBI 1 LOTTO 5 LOCO COMPLETAMENTE GRATIS!

3 di mei, 2024: Luna di mei ta un Luna di Locura cu Lotto 5! Cu cada compra di 2 set di number di Lotto 5 riba e mesun ticket, bo ta ricibi un ticket di Lotto 5 loco completamente gratis.

Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35. Pidi bo rebendedo pa bo 2 set di 5 numbernan riba e mesun ticket y asina bo ta ricibi un Lotto 5 loco completamente gratis. Si bo no sa cua numbernan pa kies, bo ta pidi bo rebendedo pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido pa full e luna di mei cuminsando desde awe

3 di mei pa e sorteonan di Lotto 5 te cu 31 di mei. Por cumpra bo weganan di Lotto te cu 7:30PM na bo rebendedo preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y YouTube.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini



Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: [play.lottoaruba.com](http://play.lottoaruba.com) pa por registra. Cumprando Lotto bo ta contribui na deporte

riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

## CHAUFFEUR BINIENDO FOR DI PARIBA YEGANDO ROTONDE CUMANA A BAY HALA DI BANDA ROBES PA DRECHI A ACCIDENTA

Diamars atardi a drenta informe di un accidente pariba di e rotonde Cumana, mesora a dirigi un patruya na e sitio. Na yegada di e patruya a bin compronde cu un Suzuki Swift biniendo for di pariba yegando rotonde Cumana a bay hala di banda robes pa drechi a accidenta contra un taxi cu tabata pasando banda drechi. Debi na e impacto e dama chauffeur a resulta herida. Na yegada di e ambulans nan a atende e dama na e sitio mes. E taxi no tabata tin su papelnan na ordo.





# ARUBA BANK A PARTNER CU KIWANIS CLUB OF SAN NICOLAS PA ENGRANDECE KING’S NIGHT STREET FAIR



2 di mei 2024 – Kiwanis Club of San Nicolas su King’s Night Street Fair ta un evento cu anualmente ta tuma lugar den Caya Grandi di San Nicolas en conexion cu celebracion di Dia di Rey. E evento a conta cu musica, cuminda, y bon ambiente. E King’s Night Street Fair ta trece hunto empresarionan local, artistanan, y habitantenan pa un anochi di entretenimiento y celebracion.

Basa riba e exito di e evento di aña pasa, King’s Night Street Fair a bolbe cu mas iniciativa pa ofrece na nos comunidad. E aña aki un “Food Court” a wordo introduci den e parking lot di Aruba Bank su sucursal na San Nicolas caminda bishitantenan por sinta trankil y savoria

nan plato.

Nos a brinda e espacio extra

aki pa sigura un experiencia comodo y placentero pa tur bishitantenan.

Nos ta hopi contento di a partner cu Kiwanis Club of San Nicolas y nos ta

comprometi pa sigi sostene iniciativanan cu ta trece nos comunidad hunto.



CMB

CARIBBEAN MERCANTILE BANK

Introduciendo

sentoo.me

Un forma nobo pa ricibi placa cu CMB

Link bo cuenta personal di CMB na Sentoo.me pa pidi pago via mensahe di texto.

• Rapido y sigur

• No ta necesario pa download.

• Servicio ta GRATIS!

Download aplicacion y

LINK AWE MES





Scan pa mas informacion  
cmbnv.com

Download na

Download on the App Store

GET IT ON Google Play

cmbnews

cmbnv



# MINISTER DANGUI ODUBER

## CUENTANAN ANNUAL 2023 DI ATA TA CONFIRMA E MIHO AÑA DEN HISTORIA DI TURISMO

Dialuna atardi Minister di Turismo y Salud Publico sr. Dangui Oduber conhuntamente cu management di ATA, Board di ATA, management di AHATA, representante di Grand Thorton y ministerio di Turismo tabata presente pa un reunion di ATA su reportahe anual. Ta pa remarca cu e indicadornan cu ta midi resultado a demostra cu aña 2023 tabata e miho aña den historia di Aruba pa cu turismo.

Minister Dangui su maneho ta basa ariba:

1. Trece e turista afluente y di calidad.
2. Diversifica nos turismo innovando producto Aruba.
3. Haci inversionan continuo den mehoracion di producto Aruba.
4. Crece Aruba cu un turismo sostenibel.

ATA a presenta e indicadornan cu a midi aña 2023 su logronan, unda a utiliza 90% di e presupuesto pa mercadeo y promocion di Aruba. Indicador principal cu ta midi e resultadonan ta tourism receipt, tourism arrivals y average daily spend. Tourism receipt a crece cu 13.4% compara cu 2019, indicando un recuperacion fuerte y mas placa den nos economia. Ta pa remarca cu tourism receipts tawata mas halto cu e yegada di turistanan y esaki ta indica un cambio positivo den cantidad di turista pa calidad di turista.

Loke ta remarcabel ta e crecimiento registra for di nos mercado principal cu ta e mercado norte americano. ATA ta mercadia den diferente mercado, como Norte Americano, Sur Americano



y Europa. Cada mercado tin nan mesun manera pa promove y ta adapta e mensahe y e promocion. Ministerio di Turismo tin e responsabilidad pa segura cu Aruba su economia ta sigui crece mientrastanto liderando cu practica di un turismo sostenibel. Proyectonan di sostenibilidad y innovacion ta aliniando cu e vision pa un sector turistico mas resistente y innovativo integrando tecnologia nobo pa mehora e experiencia total di e bishitante. ATA

a presenta su “Destination Development Plan” cu a ilustra tur e proyectonan cu a cuminsa y lo wordo ehecuta pa un turismo mas sostenibel.

Pa finalisa, Minister Dangui Oduber ta percura pa sigui inverti den proyectonan pa mehora e producto y asina eleva e experiencia di e bishitantenan sin lubida ariba nos localnan. Minister Dangui Oduber a traha hopi duro hunto cu ATA, APA, AAA y

demas partnernan den turismo manera ATSA, AHATA, Aruba Vacation Rental Association, ministerio di Turismo, y departamentonan di Gobierno. No por keda sin yama un danki especial na e empleadonan di hotel, taxistanan, tour operators, sector di F&B y tur personanan cu ta traha den e sector di hospitalidad pa hunto asina logra record nobo di cifranan di turismo pa aña 2023.

## BALUARTE DEPORTIVO SR. DEMETRIO “METO” WERLEMAN A RICIBI RECONOCIMIENTO DURANTE PREMIO EXCELENCIA DEN DEPORTE

: Diabierna 19 di april 2024, den e prestigioso ballroom di Renaissance Convention Center a tuma lugha Premio Excelencia den Deporte 2023, unda a rindi homenahe na dies (10) baluarte deportivo cu a contribui gran parti di nan bida den e desaroyo di deporte di Aruba. Sr. Demetrio Werleman,

miho conoci como Meto, a ricibi reconocimiento di Baluarte den Deporte di Prome Minister Evelyn Wever- Croes y Minister Endy Croes. Sr. Meto ta forma parti di e ekipo di Don Flip Racing.

Desde un edad hoben, Sr. Meto su pasion pa drag race a cuminsa. Sr. Meto a conta cu el a haya un

motor di auto di drag race regalo y desde e tempo ey e chispa pa drag race a start. Sr. Meto hunto cu su rumannan ta participa activamente den e deporte di drag race tanto na Aruba como na Curaçao.

Minister Endy Croes ta gradici Sr. Meto Werleman pa contribui



den e desaroyo di deporte di Aruba y ta felicit'e cu

su reconocimiento bon mereci.



# EX PARTICIPANTE DI MISS UNIVERSO ECUADOR ASESINA, TABATA NA ARUBA AÑA PASA



Un ex reina di beyesa di Ecuador, Landy Parraga, cu diadomingo a wordo asesina, tabata na Aruba un aña pasa. Diadomingo ultimo un ex reina di beyesa di Ecuador a wordo asesina na Quevedo Ecuador. Na un restaurante di Ceviche,

dos sicario a drenta y tira directo riba dje pa cual la perde su bida. E tabata den compania di su pareha nobo, cual e homber a scapa. Na 2022 el'a participa den certamen di Miss Universo Ecuador.

Ta relata su asesinato na baho mundo unda e tabata tin di haber cu su ex pareha cu ta vincula cartelnan di droga di Mexico y Ecuador. Nan a mata su pareha den prison algun aña pasa. Su nomber tambe a cay den un caso "metastasis" cu tin varios hues y fiscalnan corrupto bao investigacion. Dia 9 di april 2023, Landy Parraga tabata na Aruba y



tin varios grabacion riba su pagina social unda por mire ta disfruta di nos Aruba. Landy Parraga ta un modelo, influencer cu

tabata tin relacion cerca cu cabecio di cartel. Landy tabata reina di Venus del Río Cavado, como tambe señorita Turismo di Cavado 2019 y tres aña despues, Miss

Mesoamérica Ecuador. Na 2022 participante den certamen di Miss Universo Ecuador. E crimen aki ta bao investigacion. Foto: Eagle Beach Aruba



**Cas di Max**  
Mueble y mas



DIA DI  
*Mama*

# STOEL DI ZOYA



**NATURAL**  
Afl. **375.00**



**REINA**  
Afl. **575.00**



Check nos riba  
social media  
like y follow

• Schotland str. 46 - tel. 280-6080

Orario: dialuna pa diabierna 9 - 1pm | 2 - 6pm - diasabra 9 - 5pm

• Warehouse Melveld 3A-1 tel. 582-1671



699-5511



Prome Minister Evelyn Wever-Croes:

# ARUBA A GOZA DI UN BUNITA CELEBRACION NA WILHELMINA PARK RIBA DIA DI REY



- Diasabra dia 27 di April, Aruba a celebra den grandi Dia di Rey. E celebracion aki ta en conexion cu e fecha natal di Rey Willem Alexander y ta wordo celebra tur aña na Aruba den grandi.

Riba e mainta aki, E

comision encarga cu e celebracion a organisa un bunita evento na unda por a presencia un desfile di e diferente gruponan di scout, un bunita discurso di presidente di Parlamento señor Edgard Vrolijk y entretenimento di gruponan di baile. Tambe



a haci uzo di e oportunidad aki pa haci entrega di e premionan di Felipe B. Tromp.

Prome Minister a splica cu Aruba, tur aña ta celebra Dia di Rey den grandi y ta gradici e comision encarga cu e celebracion aki, pa

nan trabou incansabel pa haci e evento aki, un biaha mas uno exitoso.



# CUERPO DI BOMBERO ARUBA TAMBE TAWATA PRESENTE NA E OPEN DAG DI MARINIERSKAZERNE SAVANETA



, Aruba | Tur bishitante di e Open Dag na Marinierskazerne Savaneta por a disfruta di diferente actividad y demostracionnan durante dia. Nos Cuerpo di Bombero tambe

tawata presente pa duna informacion y splika un poco mas di nan ekipo di trabou y tambe por a admira nan vehiculonan.

Grandi y chikito por a presencia un demostracion



di un scenario caminda un persona cu ta keda pega den un auto despues di un accidente ta wordo libera door di e bomberonan. E bomberonana corta e auto di forma strategico pa libera e persona y dunele prome auxilio.

Despues a sigui un demostracion con nos Cuerpo di Bombero ta combati candela. E escenario a cuminsa ora cu un auto a pega candela. Na yegada di e brandspuit na e sitio, por a observa cone bomberonan a controla





e situacion y a traha den ekipo pa combati y paga e candela.

Cuerpo di Bombero ta sumamente contento di por a forma parti di e exitoso Open Dag di Marinierskazerne Savaneta y di por a

mira e entusiasmo di e bishitantenan. E bomberonan a haya e oportunidad pa por a comparti y demonstra na e bishitantenan kiko tur ta e trabou di nos Cuerpo di Bombero.

## POLIS A DETENE HOMBER CU TABATA SACA SU PARTI INTIMO Y MUSTRA HENDENAN Y A LANTA CONTRA POLIS

Diamars atardi a drenta informe di cu tin un homber haciendo cosnan immoral sacando su parti intimo y mustrando otro hendenan esaki, mesora a dirigi un patruya na e sitio. Na yegada di e patruya a bin topa cu e homber indica y a bay detene. Ora polis a bay detene ela lanta contra polisnan. Aparentemente e lo tin problema cu rasonamento y respet. Na yegada di e vehiculo di transporte nan a hib'e warda di polis unda polisnan cu ta atende casonan di inmoralidad lo bay atende severamente cun'e.





# AUTORIDAD NA AIRPORT A DETENE 2 COMERCIANTE NA NAN SALIDA FOR DI ARUBA



Diamars merdia autori- aha "first class" y a hiba dad na airport a detene 2 nan na warda di recherche comerciante cu a bay bi- pa un interrogacion, nos ta



wardando riba informa- Pero te ainda nos no a confirma di e detencion cion oficial di autoridad. logra haya informacion akinan.

## Chauffeur bao influencia deteni despues di a perde control drey rond y di patras a dal palo di lus



Diaranson madruga a drenta informe di un accidente na Sabana Liber, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un BYD Fo coriendo cu velocidad halto a perde control y e auto a keda drez rond y cu e parti patras ela bay dal un palo di lus. Afortunadamente e no a resulta herida pero si a ser deteni pa a



core auto bao influencia y ocasiona un accidente.

## Dama chauffeur a bay dal riba un palo di sosten na veld di Tanki Leendert pazuid di e school



Diaranson atardi a drenta informe di un accidente na e veld pazuid di e schoolnan na Tanki Leendert, mesora a dirigi un patruya na e sitio. Na yegada di e patruya a bin compronde cu un dama chauffeur a bay dal riba un palo di sosten na e veld pazuid di e schoolnan. Aki ta trata di un accidente singular y tur cos ta na ordo. Forensys a bini y a atende e accidente aki cu ayu-

do di algun persona a logra saca e auto cu a keda pega.

**Clasificados**

SOLODIPUEBLO@GMAIL.COM  
CEL.585 9500





# HOROSCOPO

## 4 di Mei 2024

Feliz y productivo diabierna. Ta fin di siman y e curpa ta pidi pa descanso. Ta ora pa haya sa bo pronostico di bo signo zodiacal cu Solo di Pueblo ta presenta.

**Aries**  
Tur cos lo core manera un auto di cuater taira cu bo famianan. Lo bo no tin mas remedio cu soporta un gasto sin spera. Lo bo logra un compromiso cu bo compaño nan di trabao. E drukte di tur dia ta provoca hiperactividad,descansa mas. Number di suerte: 88, 88, 2.

**Tauro**  
Cu bo amigonan lo bo recorda momento di pas-

ado. Bo placa gespaar lo aumenta di forma extra. Dia laboral yena di idea y proyecto nobo. E posturanan cu bo ta adopta na trabao no ta bon. Number di suerte: 14, 28, 9.

**Geminis**  
Si bo no kier haya mal cara, modera bo lenga. Etapa di mayor estabilidad economico. Tene un poco di calma den e ambito laboral. Bo organismo mester di descansa mas. Number di suerte: 13, 22, 1.

**Cancer**  
Dia pa profundisa den e relacion cu bo amigonan. Excelente momento pa realisa operacion bursatil. Hopi prudencia pa evita discusion na trabao. Cuida

specialmente bo lomba y bo jointsnan. Number di suerte:85, 73, 5.

**Leo**  
Bo bida sentimental lo bay crece cu relacion nobo. Algun actividad extra lo aumenta bo entrada. Revisa bo proyectonan laboral di nobo. Punto debil y pa tene na cuenta, bo cabes. Number di suerte: 16, 88, 4.

**Virgo**  
Sorpresa den un relacion caminda cu no ta confia hopi. Despues di e gasto realisa, revisa bo cuantan an. Lo cumbini bo independisa laboralmente. Bo cuero mester di cuido, no lubida. Number di suerte: 82, 17, 3.

**Libra**  
Por tene un encuentro amoroso fructifero. Asocia cu un hende pa resolve bo problemanan di placa. Tin curso interesante pa bo desaroyo profesional. Caba cu e excesonan y mantene un bida sano. Number di suerte: 86, 88, 8.

**Scorpio**  
Bo pareha lo ta dedicando hopi atencion, sea receptivo. Cuida bo finansa y sea prudente cu placa. Bo empresa mester di un esfuerzo di parti di tur. Cuidao cu cambio di temperatura. Number di suerte: 53, 74, 1.

**Sagitario**  
Posibilidad di biba un amor hopi excitante. Dia di tension pa asunto di placa. Na trabao no mete den tarea cu no ta di bo. Excelente condicion fisico y mental. Number di suerte: 71, 32, 3.

**Capricornio**  
Kibra e rutina ta enrikece e bida di pareha. Negoshi por ta adverso pa bo. Den e dia aki lo laboral ta cobra protagonismo. Lo bo acusa e cambionan bruto di temperatura. Number di suerte: 13, 98, 5.

**Acuario**  
Sea generoso den e relacionnan, lo bo no arepentí. Kisas nan ofrece bo un biah e cu lo aporta beneficio. Contrariedad di tipo profesional chikito. Practica deporte, bo circulacion lo reactiva. Number di suerte: 65, 84, 5.

**Piscis**  
E discusionnan continuo cu bo pareha no lo conduci na nada. Economicamente, suerte ta hari cu bo. Bo ta manifesta mayor interes den bo actividad laboral. Cida e afonia aki y no papia di mas. Number di suerte: 39, 94, 3.

# Accidente entre 3 auto banda di Cayena Mall



Diamars atardi a drenta informe di un accidente banda di Cayena Mall mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un auto a bay bira na man robes y esun su tras

a pasa dal e mand'e bay tal un otro auto.

Afortunadamente ningun hende a resulta herida.





### HOTLINE



## 744-0444

### CAPT'E Y MAND'E



# Cua ta mas expresivo: Skirbi of Papia

Recientemente un amigo y fiel lector di mi articulonan a manda mi un pida di un articulo cu Adam Gopnik a skirbi den The New Yorker. E pieza ta parti di un reseña di e critico/autor Max Beerbohm riba e skirbimento di James A. McNeil Whistler, miho conoci como pintor. (Whistler a pinta e famoso “Whistler’s Mother” baltora na mas di 30 milyon dollar). Beerbohm ta compara escritura cu discurso como maneranan di expresion y ta elogia Whistler pa su estilo di skirbi.

E pieza di Beerbohm a inspirami pa analisa mi propo esfuersonan como autor na Papiamento y te asina leu cu mi por, purba sigui ehempel di Whistler.

E problemanan na Papiamento ta hopi. Manera Beerbohm ta alega, como autor mi mester tuma na cuenta cu skirbimento, como un manera di expresion, tin di competi cu comunicacion oral. Skirbimento definitivamente ta den desventaha.

Esun cu ta papia no tin mester di depende solamente riba loke e ta bisa; e tin ayudo di su “body language”, su cara y mannan cu ta constantemente den movimiento y ta hopi expresivo. Cu un dede den laira, Alvaro Uribe, ex-president di Colombia, por duna tremendo enfasis na su palabranan. Tambe e orador ta haya ayudo di su bos cu tur su inflexionnan y su paso variabel, lento of rapido. Cu esakinan, esun cu ta tene un discurso por hasta crea diferente nuance sutil. E predicador evangelico Billy Graham tabata maestro di halsa of baha su bos pa hala mas atencion na loke e ta bisa. Den e dianan mas dificil di Reino Uni durante e di dos Guerra Mundial prome minister Winston Churchill, uzando tur e recursonan di papiamento, a inspira y uni su pueblo cu su discursonan na radio.

Pero nos cu ta skirbi? Pa tur efecto, ami ta depende comple-

tamente di e palabranan cu mi a scoge, di e secuencianan cu mi scoge pa posiciona e palabranan y di e simbolonan. Nos “Vocabulario Ortografico” ta yama nan signo di lesa. Tambe mi ta depende di e presentacion grafico di palabranan, uzando letternan minusculo of mayusculo, den bold of cursivo. Mi mester uza e poco recursonan disponibel pa expresa tur loke mi mes lo por a expresa cu mi bos, cara, mannan y otro gestionnan si mi tabata un orador.

Benny Nisbet, ex-lider di Partido Poltico Arubano, a hiba e uzo di LETTERNAN mayusculo pa hala atencion te un otro nivel. Pa hopi aña Sr. Nisbet tabata skirbi henter su relatonan pa prensa uzando letternan mayusculo exclusivamente. Ami ta convenci cu e practica aki ta contra-productivo. E autor cu tabata firma su articulonan E poeta americano tu tabata firma “e. e. cummings” tabatin e reputacion di nunca uza letternan mayusculo. E practica aki ta tambe ta contra-productivo.

Na Papiamento, escogencia di palabra ta presenta un dificultad grandi pasobra no ta existi un diccionario di Papiamento cu ta splica e nificacion di un palabra den diferente contexto y ta lista nan uzo y su sinonimonan. P’esey mi ta uza e diccionarionan di otro idioma, principalmente Ingles. Esaki ta duna mi e palabra cu ami kier scoge, pero despues mi mester yega na e palabra na Papiamento, sea via e Diccionario Ingles-Papiamento di Sr. Jossy Mansur of uzando idioma Hulandes via e Grootwoordenboek di e pareha van Putte-deWindt.

Segun edufind.com, e signonan di lesa ta wordo uza pa estructura y organisa bo skirbimento. (E Vocabulario di Ortografia di Papiamento tin un lista di 11 signo cu nan number na Papiamento, pero no ta menciona pa kico cada un ta wordo uza). Pa ami, puntonan,

signo di pregunta y signo di exclamacion normalmente ta indica fin di un frase. Tambe e signonan ta duna sentido, claridad y enfasis den frasenan. Tres punto (...) ta reemplaza texto cu e autor no kier inclui den un citacion of nan ta indica un pausa. Imagina bo si un buki ta wordo skirbi sin simbolonan cu ta instrui e lesador manera un tocado di fiyo cu ta lesa partitura di musica! Otro herment grafico cu e ami ta uza ta letternan diki (bold) of cursivo (italics). Palabranan cu letternan diki of cursivo ta otro manera di hala atencion di e lector of enfatica un topico den e texto. Letternan cursivo ta wordo uza tambe den un citacion di un declaracion pa muestra na unda e orador a pone atencion.

Desafortunadamente, tin corant cu ta elimina tur letter cursivo den articulonan cu nan ta ricibi. Esaki ta debilita e skirbido ainda mas. Recientemente un corant cu normalmente si ta uza letternan cursivo, accidentalmente a cambia tur pa letternan normal. Casualmente net e dia ey mi a cita un expresion cu tabata inclui palabranan cursivo pa pone enfasis riba cierto punto.

Mi a adverti cu e



palabranan cursivo tabata di esnan cu mi a cita. Pero como e palabranan cursivo a keda elimina, varios lector cu a lesa mi advertencia a contacta mi pa puntra mi ta kico por a pasa. Pa mi trata di yega na e nivel cu Beerbohm ta yama un “cadencia vocal claro”, mi ta haci un ultimo test; un examinacion di calidad prome cu mi somete e articulo pa publicacion: Mi ta lesa mi columna na bos halto y si mi lesamento cuminsa vacila mi ta restructura e texto pa e por lesa facilmente. Mi ta realiza cu mi skirbimento ta leu di ta perfecto, pero mi ta sigui purba mehor’e

OLIVE TREE'S  
PRE-PAID  
FUNERAL PLAN

PAY AS YOU CAN

Piedraplat 582 0000  
Sanicolaas 584 8888 | 5820000  
Habri dialuna pa diabierna 8:00am-4:00pm

Olive Tree Social Department (+297) 743 7411  
www.olivetreefuneralhome.com



Prome Minister Evelyn Wever-Croes

# DESDE INICIO DI GOBERNACION, PROME MINISTER A BAHAGASTONAN DI PERSONAL DI SU MINISTERIO CU 78% COMPARA CU MINISTERIO ANTERIOR DI MIKE EMAN



ORANJESTAD - Durante presentacion di e Relato Anual 2023, Prome Minister Evelyn Wever-Croes a toca e topico di e gastonan di su ministerio. Prome Minister a splica cu den e Relato Anual tin un splica-

cion di tur loke e gastonan tabata, den comparacion cu e cantidad di trahadonan. Manera ta conoci, un critica cu pueblo semper ta trece dilanti, ta e cantidad di persona cu tin

trahando den e ministerio di Asuntonan General. Pa cu esaki ta importante pa menciona cu na 2017, cu ta e ultimo aña di Gabinete Eman, Mike Eman tawata tin den su ministerio un total di 147 persona riba payroll. Esaki ta un total di 11.323.300 florin na gasto di salario.

Compara cu e cantidad halto di personal cu Mike Eman tabatatin den su ministerio, Prome Minister na aña 2023 tabata tin solamente 23 empleado den su ministerio pa un total di 2.521.184 florin na gasto di salario, cu ta 8.8 miyon florin menos. Tambe mester menciona cu apesar cu e total di trahado, compara cu e gobierno anterior ta asina abou, trabounan ta hopi mas eficiente den e gobernacion actual.

E compromiso di Gabinete Wever-Croes ta pa tin un maneho financiero responsabel y a demostra durante e añanan di gobernacion, di a cumpli cu e compromiso aki. Prome Minister a splica cu como mandatario di pais Aruba, e ta prefera di fortifica e departamentonan cu profesionalnan pa haci e trabou, y no tin 147 per-




**1.13 KOSTEN BUREAU MINISTER-PRESIDENT**

Ook het bureau van de Minister-President kampt met een schrijnend tekort aan personeel, net als (bijna) overal in de publieke sector. Indien dit vergeleken wordt met de voormalige Minister President Eman (AVP), bedraagt het verschil 124 minder. Het daarmee bezuinigd bedrag is Afl. 8.8 miljoen, oftewel 78%. Hiermee heeft de Minister-President ruimschoots voldaan aan de afspraken gemaakt in het Regeerakkoord.

Bureau MinPres	Eman 2017	Wever-Croes 2023	Vershil	%
Aantal medewerkers	147	23	124	84%
Totale salariskosten	11.323.300	2.521.184	8.802.116	78%

Deze kosten zijn volledig binnen de begroting gebleven.

sona riba "payroll" cu mas sigur mirando e cantidad halto aki, no por tabata fisicamente den e edificio di bestuurskantoor trahando.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

**PRONOSTICO DI TEMPO**

VALIDO TE DIABIerna 3 DI APRIL 2024,  
18:00 ORA

TEMPO:  
AWE TARDI Y AWE NOCHI: PARCIALMENTE  
NUBLA

CU UN POSIBLE AWACERO BREVE  
DEN MARDUGA Y MAYAN: PARCIALMENTE  
NUBLA CU UN  
AWACERO PASAJERO TE BREVE

TEMPERATURA MAXIMO 33 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y  
ROND  
DI ORANAN DI MERDIA: 34 PA 39 GRADO  
CELSIUS  
UV INDEX: 12  
POTENCIAL DI AWACERO PA PROXIMO 24  
ORA:  
1 MM OF MENOS; LOCALMENTE ESAKI POR  
VARIA

REGISTRACION DI TEMPERATURA (GRADO  
CELSIUS) Y  
AWACERO (MM) DEN ULTIMO 24 ORA (8'AM  
PA 8'AM):

PRONOSTICO DI TEMPO PA PROXIMO 3 DI-  
ANAN:  
PARCIALMENTE NUBLA CU UN AWACERO  
BREVE.

BIENTO LO TA MODERA TE BASTA FUERTE  
FOR DI

DIRECCION GENERALMENTE OOST.  
TEMPERATURA (GRADO CELSIUS) MAX /  
MIN LO TA: 33 / 28



**SEÑORA HAYA PAFOR DI CASINO  
PISHI DRUMI RIBA VLOER, POLIS  
A HIB'E SU CAS NO MUCHU LEU**



Diahuebs madrugá durante patruxa polis a bin haya un señora benta riba vloer pafor di casino, mesora a para baha wak kiko a pas'e.  
Aparentemente un rato

prome e tabata den casino tur lepia y a pishi su paña. Polis mirando su condicion a solicita e vehiculo di transporte pa asina hiba e señora su cas no mucho leu den Rancho.

**PROBLEMA DI PAREHA TA SIGI TA  
UN PROBLEMA SOCIAL CU TA  
AUMENTANDO DRASTICAMENTE**



Diahuebs madruga a drenta informe di un problema di pareha na Playa Pabao como tambe na Tanki Leendert. A dirigi patruya na ambos sitio pa polis intermedia.

Na Playa Pabao e dama a bay keda na un otro adres y na Tanki Leendert e agresor a cobardía y bandona e sitio.

Polis tin atencion pa ambos caso y esakinan tin di haber cu consumo di alcohol y maltrato.

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 2 Mei 2024 Merdia

Sorteo # 4254
5647
0727
7570
X2
Sorteo # 4254
2135
FP
Sorteo # 2310
4569
Sorteo # 4254
3489
Piscis
Sorteo # 1128
917
FP

Sorteo #	Joker Letter
0 x Jackpot	Proximo Jackpot
0 x Match 4+	240.000,-
0 x Match 4	
0 x Afl. 12,00	
Sorteo #	Proximo Jackpot
0 x Jackpot	50.000,-
0 x Match 4	
0 x Afl 8,00	

Sorteo #	Mega Ball
0 x Jackpot	Proximo Jackpot
0 x match 4	420.000,-
0 x Afl. 500,00	
0 x Afl 50,00	
0 x Afl.15,00	
	Afl. 550.000,-

Sorteo #





BRIYANDO FUERTE • TRECIENDO CLARIDAD

**TA BUSCA PARTIDORA DI  
CORANT PA AREA DI**

Simon Antonio - Pos Chikito  
Brazil - Sanicolas

**Horario: 7.30 pm**

Contact: 585-9500  
E-mail: [solodipueblo@gmail.com](mailto:solodipueblo@gmail.com)





# DEN RATON

## A haya conexion entre microbiota intestinal di e tata y salud di e yiunan


E microbiota intestinal e comunidad microbiano den e canal gastrointestinal - ta encarga di produci e enzymanan, metabolitonan y moleculenan necesario pa e sistemanan inmunologico y interino por funciona bon. Pero, algo asina importante pa nos salud, ta afecta e descendientenan tambe?.

Un estudio den e revista 'Nature' a demostra den cacho homber cu si e microbiota intestinal ta altera, tin mas chens cu e yiunan lo nace cu peso abou i muri prematuramente.

Pa compronde e efecto di e microbiota intestinal riba reproduccion, un grupo di científico di European Molecular Biology Laboratory (EMBL) na Roma (Italia) y Heidelberg (Alemania) a cambia e composicion di e microbiota intestinal di e cachonan homber door di trata nan cu antibiotico comun cu no ta drenta e sanger.

Di e manera aki nan a causa un malesa yama disbiosis, cu ta desekilibra e ecosistema microbiano.

Despues nan a analisa e cambionan den e composicion di metabolitonan testicular importante y a haya cu den cacho homber disbiosis ta afecta fisiolo-



gia di e testiculo, mescos cu e composicion di metabolitonan y señalnan hormonal.

Por lo menos parti di e efecto aki tabata media pa cambio den nivel di e hormona clave leptin den sanger y testiculo di e hombernan cu disbiosis induci, sugeriendo cu den mamifero tin "un as tripa-liña germinal" cu ta conecta e tripanan, su microbiota y e liña germinal.

Pa compronde e importancia di e base "tripa-liña germinal" den e rasgonan hereda di e descendientenan, científiconan a empareha homber disbiotico cu muhenan no trata.

E yiunan di rato genera pa mayornan disbiotico a muestra un peso significativamente mas abou na nan nacemento y un mayor cantidad di mortalidad postnatal.

Diferente combinacion di antibiotico y tratamiento

cu laxante inductor di disbiosis (cu tambe ta altera e microbiota) a afecta e yiunan di forma similar.

Y mas importante ainda, e efecto aki ta reversibel, ya cu ora e antibioticonan ta ser kita, e microbiota paternal ta recupera.

Asina, ora e ratonnan cu e microbiota recupera a empareha cu e muhenan no trata, nan yiunan a nace cu un peso normal y tambe a desaroya normal.

"Nos a mira cu e efecto intergeneracional ta desaparece ora un microbiota normal ta wordo reestableci. Esaki ta nifica cu cualke alteracion di e microbiota intestinal cu por causa efecto intergeneracional por wordo preveni den futuro mayornan", Peer Bork di E EMBL di Heidelber a bisa.

"E siguiente paso lo ta pa compronde den detaye con diferente factornan ambiental, manera medi-



danan, incluyendo antibiotico, por afecta e liña germinal paternal y asina desaroyo di e embryonan, "el a sigui bisa.

Impacto di tata y riesgo di malesa den embarazo

E ekipo EMBL tambe a descubri cu defectonan di placenta, entre nan un vascularisacion debil y crecimiento reduci, tabata tuma luga mas frecuentemente den embarazo den cual tabatin homber disbiotico.

Placenta defectuoso tabatin e caracteristicanan di un complicacion comun di embarazo den ser humano yama preclampsia, cu ta causa un retraso den crecimiento di descendiente y ta un factor di riesgo pa un gama amplio di malesa comun den etapanan posterior di bida.

"Nos estudio ta muestra e existencia di un canal di comunicacion entre e microbiota intestinal y e sistema reproductivo di mamiferonan. Ademas, e factornan ambiental cu ta perturba e señalnan aki den futuro mayornan ta aumenta e riesgo di salud adverso den e descendientenan, door di altera e desaroyo di e placenta", Jamie Hackett, hefe di grupo di EMBL na Roma, a indica.

"Esaki ta nifica cu den ca-

cho, e ambiente di e tata net prome cu e concepto por influencia e rasgonan di e descendientenan independientemente di e herencia genetico", e investigador a añadi.

"Na mes momento, nos ta haya cu e efecto ta solamente pa un generacion, y ta bisto cu mester di mas estudio pa investiga te na cua punto e efecto aki ta generalisa y si nan tin relevancia den ser humano. Tin diferencia esencial cu mester wordo tuma den consideracion na ora di transporta e resultadonan di e modelo di raton na e ser humano," Hackett a adverti.

Pero mirando e prevalencia generalisa di practica dietetico y antibiotico den cultura occidental "ta importante pa considera e efectonan intergeneracional di e mayornan mas cuidadosamente y con nan por ta afectando e resultadonan di e embarazo y e riesgo di malesa di e poblacion", e ta opina.

**Clasificados**

CLASSIFIEDS

SOLODIPUEBLO@GMAIL.COM  
CEL.585 9500

SOLO De Pueblo



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



**Virginia Antoine**  
Cariñosamente yama: “Pito”

Ta invita tur famia, amigo y conocirnan pa asisti na e acto di  
condolencia cu ta tuma lugar Diabierna 03 di mei 2024 for  
di 7’or pa 9’or pm na Aurora Funeral Home.

Acto di entierro lo tuma lugar Diasabra 04 di mei 2024 na  
Aurora Funeral Home di 2 pm pa 4 pm y despues lo Sali bai pa santana  
central na Sabana basora.

Nos ta lamenta cu despues di entierro nos no ta ricibi bishita di  
condolencia na cas.

## Diasabra 4 di mei 2024, Pa 7 or di mainta tin Santo Sacrificio di Misa.

Na Kapel di Alto Vista y den Kapel di Blue Army na San Nicolas


Prome cu Santo Misa ta  
resa Santo Rosario pa 6.15  
“Misterio Gososo”, despu-  
es ta sigi cu Salve Regina.  
Ta invita tur deboto y fiel-  
nan di Mama Maria pa  
asisti na e Santa Rosario  
prome cu Santa Misa.  
Luna di Mei ta luna dedica  
na La Birgen di Rosario di  
Fatima.  
13 di Mei ta recorda e  
prome aparicion di Mama  
Maria na e 3 wardadornan  
chikito na Fatima.  
PALABRANAN PRINCI-  
PAL DI LA BIRGEN DI

FATIMA NA E 3 WAR-  
DADORNAN CHIKITO:  
“Bosonan kier ofrece na  
Dios boso sacrificionan  
chikito acepta sufrimen-  
tonan cu E ta manda pa  
boso, pa duna reparacion  
di honor na Su Divino  
Mahestad pa picarnan nu-  
meroso pa cual E ta hay’e  
ofendi? Bosonan kier su-  
fri tambe pa combercion  
di pecadornan y pa duna  
satisfacion pa blasfemia y  
ofensanan cu nan ta haci  
na Mi Curason Inmacu-  
lada?

Den tur parokia na Aruba  
tin debotonan di Mama  
Maria, asina cu 4 di Mei ta  
prome dia novena. Mama  
Maria ta entercede pa nos  
na nos Tata Celestial. Cu  
tur fielnan bin resa e San-  
to Rosario pa bienestar di  
henter comunida. Aru  
Papa Francisco, Obispo  
Luis Secco, tur sacerdote,  
Diacono y laiconan cu  
ta hiba e bon noticia pa  
e pueblo di Dios. Pa nos  
Gobernantenan y tur cu ta  
carga responsabilidad pa  
nos pais Aruba. Pa enfer-

## Gradicimento y invitacion

Di profundo di nos curason nos ta gradisi tur hen-  
de cu di un of otro manera a muestra atencion, amor  
y cariño durante bida, fayerimento y despedida di  
nos defunto stima:  
Boso muestra di atencion ta di gran sosten pa nos.



**Sr. CANDIDO JACOBO ANGELA**  
Mihor conosi como “Coby of Cobito”

Un danki na un y tur cu a manda caarchi, What-  
sapp, mensahe riba Facebook, e-mail y a hasi  
yamadan telefonico. Boso muestra di atencion ta  
di gran sosten pa nos.

Un danki special na e verzorgersnan di Welthuis  
Buytenhaghe.

Tambe na Aurora Funeral Hom pa cu su bon servi-  
cio y atencion.

Alabes ta invita tur famia, amigo y conosirnan pa 3  
santo sacrificio di misa cu lo tuma lugar:  
Diasabra 4 di mei 2024 pa 7or di anochi  
Diamars 7 di mei 2024 pa 7or di anochi

Cu nos defunto stima sosega na paz den  
reino di Señor.

monan den exte-  
rior. Cu Dios Santo  
sana enfermonan  
y pronto nan re-  
greso.

Luna di April ta  
dedica na Hesus  
Misericordioso.  
Cu Mama Maria  
scucha sclama-  
mento di esnan cu  
ta biba cu miedo y hamber.  
Sin cas, sin awa pa bebe y  
sin cuminda. Henter nan  
bida ta destrosa bou di  
gera y perdido di nan ser-  
nan keri. Mas cu nunca,  
ban resa Santo Rosario  
pa PAZ na Medio Orien-  
te. PAZ den hogarnan na  
Aruba y nos ruman nan  
riba otro islanan  
Ban hinca rudia busca  
refugio na nos Mama Ce-



lestial  
Den nos oracionnan resa  
pa Oekrania y Rusia cu  
nan por yega na e pas de-  
sea y Palestina cu ta sufri  
masha .

Bendicion

Cordial saludo  
Sr. Mario Werleman  
Pastoor Huancho Pilongo  
585 8378 Centro Pastoral  
Sta.C